



Estrara Komunikado (EKO) 2014-12 sendita el Budapeŝto en la 1a de junio.

Al: Landaj Asocioj de UEA (aliĝintaj kaj ne), Fakaj Asocioj, la Komitato, Konsilianoj, ILEI, TEJO, la gazetararo, listoj kaj unuopuloj

## Stipendioj por la interlingvistika kursaro en Poznano

En septembro 2014 ekos nova grupo de trijaraj postdiplomaj interlingvistikaj studoj; ni jam raportis tion al vi per mesaĝo la 26an de aprilo 2014. Ĉu vi ŝategus partopreni la studojn en UAM, sed viaj enspezoj ne ebligas al vi ĉion pagi? Por la trijaraj interlingvistikaj studoj ekzistas ebloj ricevi financon subtenon en formo de stipendio. Ĝi kovras almenaŭ la ĉiusemestrajn universitatajn kotizojn. Stipendiojn disponigas Esperantic Studies Foundation (ESF), kun apogo de Universala Esperanto-Asocio (UEA) kaj Internacia Ligo de Esperantistaj Instruistoj (ILEI).

Por informoj pri la kursaro, rigardu la retejon: <http://www.amu.edu.pl/~inter/>

Por informoj pri la stipendioj, rulu la ekranon suben ĝis la butono <Mi volas partopreni>. Klaku tion kaj anoncu vin. Sekve de tio, vi povas ricevi la aliĝilon kaj stipendian petilon.



Starigita estas tri-persona mastruma teamo por fortigi la rilatojn inter ESF kaj UAM, kaj por prizorgi i.a. la administradon de la stipendioj. Tiu komisiono decidis kiom da stipendioj povos esti kaj je kioma valoro por la studjaro 2014-2015, kun ebloj je ŝanĝoj por la postaj jaroj. Oni atendas povi oferti stipendiojn por la tuta trijara periodo. En la nuna momento la stipendioj povas kovri nur la studkostojn, ne la pliajn kostojn. Tamen, ili mildigas la suman financon pezon de la programo.

### Kion vi devas plenumi

- **Prezantan leteron**, per kiu vi prezentas vin, viajn antaŭajn studojn, viajn ĝisnunajn agadojn rilate al Esperanto. Plie vi rakontu pri viaj celoj : por kio vi bezonas la studojn? Kion vi planas fari post la akiro de pliaj konoj?
- **Enketilon plenigitan**, kiun vi povas kontraŭ peto ricevi. Limdato por sendi la petojn estas la 15a de julio 2014. La decidon ni komunikos mesaĝe al la petintoj ĝis la 10a de aŭgusto.

### Kelkaj oftaj demandoj pri la stipendioj:

#### Kiel funkcias la stipendiado, se oni elektas min?

Vi ricevos kontrakton, kaj se vi plenumas la postulojn de la kontrakto, la mono estos ĝirata al vi fine de la semestro. Tio signifas, ke vi unue, komence de la semestro, devos mem pagi la kotizon, kaj ĝi poste estos repagata al vi.

#### Kiujn kondiĉojn enhavos la kontrakto?

La kontrakto postulas, ke la stipendiato regule plenumu la devigajn taskojn de la semestroj (do li/ŝi ĝustatempe plenumu la taskojn, esojn kaj ekzamenojn de la kursoj de la semestro),

kaj ke li/ŝi laŭ personaj fortoj kaj spertoj helpu kontribui al la disvolviĝo de la studoj kaj ĉirkaŭaj aranĝoj. (vd. La sekvan demandon).

### **Kion mi devas fari interŝanĝe, kiam mi ricevas stipendion?**

Oni atendas de la stipendiatoj, ke ili aktive partoprenu en la diversaj aktivecoj ĉirkaŭ la studoj. Tio povas esti helpo en varbado aŭ organizado, transpreno de filmado de la prelegoj, raportado pri la studoj, laboro por la hejmpaĝo de la studoj, kontribuoj al ARKONES (kulturfestivalo ligita al la septembra studperiodo) aŭ aliaj. Detalojn vi preparolos kun la komisiono tiam, kiam vi estos

elektita. Viaj helpproponoj estos aldonitaj al la kontrakto.

### **Kio okazos, kaze ke mi ne povos finfari la studojn? Ĉu mi devos redoni monon?**

Ni forte esperas, ke la personoj, kiuj ricevas stipendiojn, dumvoje ne ĉesos studi. Se tamen okazus tio (pro malsano k.s.), oni ne devos repagi ion, ĉar oni ricevos la monon nur por la jam plenumitaj semestroj.

Pliajn stud-demandojn bv. sendi al la Universitato mem <interlin@amu.edu.pl> kaj stipendidemandojn al la komisiono <as.esperanto@web.de>

Bazo: LA cirk 2014-05-24 Stipendioj UAM.doc  
Iĝis LA cirk 2014-06-01 Stipendioj UAM



Poznanon eblas atingi per komfortaj trajnoj (el Berlino, Warsovio, Budapeŝto, Vieno k.m.a) plie trafikaj moderprezaj buslinioj.

Atingeblo de la flughaveno Poznan je majo 2016, multaj el tiuj ligoj estas realigataj per moderprezaj flugkompanioj:

<http://www.airport-poznan.com.pl/en/flight-connections/new-destination-map>

EKO 2014-12 UAM stipendioj postfarita.docx

Ĉi tiu komunikado estas disponebla laŭ la permesilo Krea Komunaĵo Atribuite Samkondiĉe 4.0 Tutmonde. Por pli da informoj vidu ĉe: <<https://creativecommons.org/licenses/by-sa/4.0/>>.

La teksta enhavo de komunikoj el 2015 kaj 2014 (53 kaj 52 komunikoj) legeblas ĉe: [www.uea.org/vikio/Komunikado kun LA, FA...](http://www.uea.org/vikio/Komunikado_kun_LA,_FA...)